

Universitätsbibliothek Paderborn

Instructio practica ...

Succinctam Doctrinarum Asceticarum Svmمام Comprehendens - Quam ad majorem omnium in Ascesi proficere cupientium utilitatem ac subsidium

Lohner, Tobias

Dilingæ, 1685

Caput III. De Cooperatione ad scientiam Asceticam obtinendam necessaria.

[urn:nbn:de:hbz:466:1-48214](#)

(Asceticam videlicet, ut ex contextu patet) & clarior rem intelligentiam parvulis tribuo, quam ab Homine possit doceri. Cui ego loquor, cit. sapiens eris, & multum in Spiritu proficiet. Ego sum, qui hamilem in puncto elevo mentem, ut plures aeterna veritatis capiat rationes, quam si quis decem annis studiasset in scholis.

II. Porro qualis haec oratio esse debeat, memoratus Apostolus l. c. sat clare indicavit, dum dixit: Postulet autem in fide, nihil habens. Nam, ut ipse quoque servator Matth. 11. monuit, omnia, quaecunque orantes petitis, credite, quia accipietis. Certè qui sic à DEO scientiam Asceticam postulant, meritò sibi illam S. Bernardi s. s. de quadr. sententiam applicare possunt: Nemo nostrum parvipendat orationem suam: dico enim vobis, quod ipse, ad quem oramus, non parvipendit eam. Postquam egressa est ab ore nostro, ipse scribit eam in libro suo, & unum ex duobus indubitanter sperare possumus, quoniam aut dabit, quod petimus; aut quod novit utilius. Cum ergo nihil utilius dilectione atque adeò etiam ipsa scientia Ascetica dilectionem docente reperiatur, meritò sperare potest, se eam certò impetraturum, quisquis eam instanter, & ardenter à DEO petierit.

C A P U T III.

DE COOPERATIONE AD SCIEN- TIAM ASCETICAM OBTINEN- DAM NECESSARIA.

I. Quantopere haec cooperatio necessaria sit, clarissimè jam olim Sponsa Cant. 1. indicavit, dum ingens quidem desiderium conjunctionis cum sponso
Z 3 per

per illa verba : *Osculetur me osculo oris sui : indicatum : & orationem per verba illa : trah me : insinuatam atque à se adhibitam ostendit , sed tamen etiam suam cooperationem addidit dicens : Cnrremus in odorem unguentorum tuorum : Quod ipsum etiam S. Paulus i. Cor. 15. confirmavit dicens : Gratia autem DEI sum id , quod sum : & gratia ejus in me vacua non fuit , sed abundantius illis omnibus laboravi. Porro hæc cooperatio in sequentibus ferè industrijs consistit.*

II. Prima industria est generosa vitiorum & passionum inordinatarum mortificatio : sic pius Asceta l. 3. c. 43. suasit dicens : *stude mortificationi vitiorum , quia hoc amplius tibi proderit , quam notitia multarum difficultium questionum. Id quod per ipsam experientiam confirmat dicens : Quidam amando me intime didicit divina , & loquebatur mirabilia : plus profectus in relinquendo omnia , quam in studendo subtilia. Ut adeò hic quoque vel maximè locum habeat notum illud axioma : Tantum proficies (in scientia Ascetica) quantum tibi vim attuleris .*)

III. Altera industria lectio spiritualis est , per quam addisci faciliùs potest , quod ad hanc scientiam Asceticam pertinet , quam per vivos Instructores , cùm plerumque ea , quæ in libris traduntur , præcepit majori cum consideratione excogitata , ac meliore in ordinem digesta , pluriūmque Censorum judicata approbata sint. Hinc S. Isidorus l. 3. de summo bono c. 8. ait : *Qui vult cum DEO esse , frequenter debet orare , & legere. Nam , cùm oramus , ipsi cum DEO loquimur : cùm vero legimus , DEVS nobiscum loquitur. Omnis profectus ex lectione & meditatione procedit.*

Porro duplicis generis libri Ascetici sunt, qui de hac materia scribunt; aliqui enim ex Instituto totam Ascensionem bono ordine digestam tradunt, & tales sunt P. Jacobus Alvarez, P. Ludovicus de Ponte, P. Hugo Roth in via regia P. Bernardinus Rosignolius, & similes; alii sparsim & sine ordine potiores Alceseos doctrinas pertractant, uti P. Alphonsus Rodriguez, P. Petrus Pennequin in Isagoge ad amorem divinum, P. Eusebius Nierenbergius de adoratione in Spiritu & veritate, P. Lucas Pinellus de Perfectione Religiosa; Theophilus Bernardinus de Perseverantia Religiosa; item varij tractatus S. Francisci Salesij, opera varia R. D. Ludovici Bloisij & similes, ex quibus omnibus magnus in scientia Ascetica profectus hauriri potest, si lectio illorum utili fine suscepta, constanter & fructuosè peragatur.

IV. Tertia industria est frequens cum Alceseos Magistris collatio, de cuius necessitate Sapienter Celsianus Collat. 24. c. 16. sic discurrit: *Etenim cùm omnes artes & discipline humano ingenio reperta (quae & nihil amplius quam vita hujus commodis prosunt) liceat manu palpari queant, & oculis pervideri, rectè tamen à quoquam sine instituentis doctrina nequeunt comprehendendi, quam inepitum est credere, hanc solam non egerre Doctore, qua & invisibilis, & occulta est, & qua non nisi corde purissimo pervideatur: cuius error non temporale damnum, nec quod facile reparetur, sed anima perditionem parit, mortemque perpetuam.* Merito ergo Alceseos Discipulus sibi applicat, quod olim Tobias Senior Juniori dixit, dum is à Parente in Rages proficisci jussus diceret: *Viam per quam pergatur illuc, non cognosco.* Cui Pater: *Perge, & inquire tibi aliquid*

quem virum fidelem, qui eat tecum. Nam, ut sapienter notavit S. Vincentius Ferrerius in tr. de vita Spir. Christus (sine quo nihil possumus) nunquam suam gratiam ministrabit illi, qui, cum habeat, qui enim ducat in via perfectionis, negligit ductum ejus, credens sibi, sufficere, & per seipsum investigare, & invenire, quae sunt utilia ad salutem. Ipsum certè Gentium Doctorem, & totius Ecclesiæ Patrem S. Paulum DEUS ad Ananiam instruendum misit, ut nemo præsumeret, Magisterium perfectionis assequendæ sibi ipsi arrogare, sed potius ab alio cum debita subjectione & humilitate addiscere conaretur.

V. Quarta industria est Exemplorum à sanctis relictorum consideratio: nam, ut recte S. Basilius opus. 49. c. 7. dixit, *Vita beatorum Hominum* literis traditis sunt velut imagines quadam viva divina reipublice ad bonorum operum imitationem proposita. Unde quemadmodum Pictores, quando imaginem ex imagine pingunt, identidem ad exemplar respicientes, characterem ad suum Opificium inde transferre conantur, ita oportet eum, qui studet seipsum omnibus virtutum partibus perfectum reddere, sanctorum vitas velut simula- chra quadam viva & efficacia respicere, illorumque bona opera per imitationem sua facere.



INDEX